

泰山圖志卷五上

東海 朱孝純

子穎



金石志一

金石在泰山最夥秦之篆籀尚矣自時厥後崇尚二氏文於齋醮為多然分隸法猶近古經剝蝕後彌可寶貴至如棲情澗谷流聲巖壁間者更不一而足凡其完好雅馴之品既已載入藝文卽一二殘碑斷碣雖其單辭隻字嗜古之士猶將巾拂而手摩之不啻珍同拱璧人人趙明誠也豈徒韓陵一片石已耶今載自宋以前必詳而於元明以後不無別擇俟博古者採焉作金石志

秦

始皇帝泰山刻石

始皇帝二十八年

石佚文見史記

泰山圖志

卷五上

二世詔書刻石

李斯篆書

二世元年

石佚文見史記

宋歐陽修集古錄跋尾

右秦二世詔李斯篆天下之事固有不必皆賢聖之作也蚩尤作五兵紂作漆器不以二人之惡而廢萬世之利也篆字之法出於秦李斯斯之相秦焚棄典籍遂欲滅先王之法而獨以己之所作刻石而示萬世何哉

按史記秦始皇帝行幸天下凡六刻石及二世立又刻詔書于其旁今皆亡矣獨泰山頂上二世詔僅在存數十字爾今俗傳嶧山碑者史記不載又其字體差大不類泰山存者其本出于徐鉉又有別本云出于夏竦家者以今市人所鬻技之無異自唐封演已言嶧山碑非真而杜甫直謂棗木傳刻爾皆不足貴也余友江隣幾謫官于奉符嘗自至泰山頂上視秦所刻石處云石頑不可鐫鑿不知當時何以刻也然而四面皆無草木而野火不及故能若此之久然風雨所剝其存者纔數十字而已本隣幾遺余也此今俗傳嶧山碑本特為真 劉跂秦篆譜 史記載秦始皇及二世皆行幸郡縣者爾 二世詔五十許字而始皇刻辭皆謂已亡莫可復見宋丞相莒公鎮東平日遣工就泰山模得墨本以慶歷戊子歲別刻新石親作後序止有四十八字歐陽文忠公集古錄亦言友人江隣幾守官奉高親到碑下纔有此數十字而已 觀二年春從二三鄉人登泰山宿絕頂首訪秦篆徘徊碑下其石埋植土中高不過四五尺形制似方而非方四面廣狹

皆不等因其自然不加磨礪所謂五十許字者在南面稍平
處人常所為揭故士大夫多得見之其三面尤殘缺闕人
不措意余審觀之隱若有字痕刮摩垢蝕試令模以紙墨漸
若可辨自以此益使加工模之然終意其未也政和三年秋復
宿嶽上親以璫椎從事校之他本始為完善蓋四面周圍悉
有刻字總二十二行行十二字字從西南起以北東南為次
西面六行北面三行東面六行南面七行其末有制曰可三
字復轉在西南稜上每行字數同而每面行數乃不同如此
廣狹不等居然可見其十二行是始皇辭其十行是二世辭
以史記證之文意皆具計其缺處字數適同于是泰山之篆
遂成完篇宋歐江二公初未嘗到惟憑工匠所說無足怪人
多以二公為信故亦不復詳閱余既得墨本并得碑之形象
制度以歸親舊聞之多來訪問倦于屢報乃為此譜大凡篆
字二百二十有二三其可讀者尚百四十有六今亦作篆字書
之其鏤缺及漫滅不可見者七十有六以史記文足之注其
下譜成揭壁間久幽沉晦之迹今遂歷然秦至無義不足論
然李斯小篆古今所師經千三百有餘歲而復彰茲可尚也
如親輒遠黎史作親巡遠方黎民金石刻作刻石著作休詞
作世聽作聖陞作垂體作禮昆作後則又史家差誤皆當以
碑為正其曰御史大夫者大夫也莊子曰且而屬之大夫衛
宏曰古文一字兩名因就注之史記于瑯琊臺刻石備列從
臣名氏余家所收瑯琊殘字亦有五夫字然則夫從一大因
不復重董道廣川書跋泰山篆丞相李斯書慶歷庚子歲
出歟

泰山圖志 卷五上

四十七字江隣幾治奉符患四方求者日至厭于供命則又
刻其字于縣解按其文秦二世詔也史記載始皇帝上泰山
立石封祠下禪梁父刻所立石詔書其叙巡狩以時不書封
禪事立石書詔非緣封禪發之疑史記自誤二世元年東行
郡縣並海南至會稽盡刻始皇所立石石旁著大臣從者名
如此則泰山刻石始皇帝所立石石旁著大臣從者名
宜在其陰今石南面為二世詔書始皇帝刻其三面二世詔
東三面蓋石作而後人起立植之以其一而稍完故立之南
鄉此其故也河間劉跂嘗披剔去其翳蝕處得字九十有
八班班可知以史記考之其詞可讀明年余至泰山就視其
石高纔八九尺方面二尺餘以亂石培其下昔所建立蓋鑿
石為穴下寢其中歲久摧仆則後人累石固其趾以存至字
則止此未可以久遠期也考其詞窺輒遠黎民大義著明史
作休明陞于後世史作來于後世詞窺輒遠黎民大義著明史
體順史作禮順且刻詔書金石皆史誤以詞可得證之然昭
隔內外或謂為融古字相借不然則格與隔不可兼用也陸
為邊陲若垂後世則當作來說文甚辨慎不應爾見泰山篆
字疑其字誤慎書雜以古字論檢押也日施于後嗣石尤可
考益為昆字昔衛宏嘗謂古一字有兩名者就注之御史大
夫則夫夫也昔公亦曰夫中有大如千人書千今考禮記
檀弓曰夫夫是也則字蓋如此此李斯所得據也大人貫簪
為夫則大夫夫同文義可知嗚呼三代書名至秦焚滅盡之後
世不得知先王命書之意惟秦文是習此其禍天下後世其
有窮耶後世無所考書名論辨字意則猶以是為據蓋亦做

也篆文于後世爲工然況之三代此其爲異俗之法君子則宜過而不問也昔漢儒謂秦廢先王書李斯欲以其書傳後世以愚黔首然黔首卒叛秦而不可愚至于其書在者後世諸儒方共解詁以傳而三代書名幸有存者則隨棄不錄然則秦之爲患其足以愚後世者余于此知趙明誠金石錄跋之矣非秦能愚人諸儒蓋自愚而不知也

尾右秦泰山刻石大中祥符歲真宗皇帝封此山兗州太守模本以獻凡四十餘字其後宋莒公模刻于石歐陽公載于集古錄者皆同蓋碑石爲四面其三面稍摩滅故不傳世所見者特二世詔書數十字而已大觀間汶陽劉跂斯立親至泰山絕頂見碑四面有字乃模以歸文雖殘缺然首尾完具不可識者無幾于是秦篆完本復傳世間矣以史記本紀考之頗多異同史云親巡遠方黎民而碑作親輶遠黎史云大義休明而碑作著明史云垂于後世而碑作陞于後嗣史云皇帝躬聖而碑作躬聽史云男女禮順而碑作體順史云施于後嗣而碑作昆嗣史云具刻詔書刻石而碑作金石刻皆足以正史之誤然則斯碑之可貴者豈特翫其字畫而已哉碑旣出斯立模其交刻石自爲後序謂之泰山秦篆譜云郝經秦碑詩岱宗太平頂摩崖與天齊左列則天頌右刻周觀東秦碑復出絕頂西壇前圓平值中峯突兀上有始皇碑年深雨漬百裂餘析作兩峯蹲半規面陽數字仍可辨隙縫重銜苔蘚皮中間隱約見制可完好可辨惟臣斯拳如叙股直如筋屈鐵碾玉秀且奇千年瘦勁益飛動迴視諸家肥

泰山圖志

卷五上

三

更癡當時風雨有餘怒豈容夸石獨在茲砥應神明愛尤物不肯轟擊常護持昔年韓文公會賦岫嶺詩字青石赤皆傳聞漫爲咨嗟涕漣而何如親登泰山日觀峯光怪時見絳氣纏金虹摩挲細讀秦相碑天門高詠來清風乃知山靈不相負夜宿天邊不忍去醉依雲窻重回顧

按始皇泰山刻石及二世詔書本在一石四面刻之鄭樵通志分而爲二集古錄存數十字秦篆譜稱字二百二十有二可讀者百四十有六明吳同春登泰山記謂存劉所云云之半其時爲萬歷己丑至

國朝顧炎武作金石文字記則僅存臣斯臣去疾以下二十九字而已石舊在岱頂玉女池上雍正八年郎中丁皂保移置碧霞祠東廡乾隆五年六月廟燬後重修碧霞祠不知瘞置何所于是秦篆遂亡又宋江隣幾有重刻四十八字本明申旒有補篆始皇泰山刻石本今並佚存者惟岱廟及泰安縣

署土地祠二十九字未知何時所摹刻也

漢

武帝泰山立石

一稱無字碑在泰山巔玉皇廟門外

顧炎武無字碑辨

嶽頂無字碑世傳為秦始皇立按秦碑在

文并二世詔書咸其不當又立此大碑也考之宋以前亦無此說因取史記反復讀之知為漢武帝所立也史記秦始皇本紀云上泰山立石封禪其下云刻所立石是秦石有文字之證今李斯碑是也封禪書云東上泰山山之草木葉未生乃令人上石立之泰山巔上遂東巡海上四月還至奉高上泰山封而不言刻石是漢石無文字之證今碑是也後漢書祭祀志亦云上東上泰山乃上石立之泰山巔然則此無字碑明為漢武帝所立而後之不讀史者誤以為秦耳孔貞瑄泰山紀勝無字碑非碑也度其中必有有所藏當是封禪天下命撤之甫動其蓋雷風驟作說鄒德溥無字碑詩絕巘雖近怪然其中有物焉則斷斷無疑鄒德溥無字碑詩植空碑古人如有意由來胡汝桂石表歌天門崔巍雲縹緲翠巘最上乘原不立文字豐峯爭呈巧千崖萬壑駭人目竟日看山山未了夜半舉手摩星辰高歌日觀看日曉山巔獨有一柱石渾渾潔潔素插天表藏鋒斂錐若大拙震

泰山圖志

卷五上

四

摧風雷不傾倒傍人妄說秦時碑熟視空空益窅窅到此冒中一字無翻見磨刻盡潦草至人從來貌若愚安得繁藻一清掃今古登臨多少人信惟孔子天下張銓觀無字碑詩盪小太乙留此洩元機拄杖乾坤永不老王在晉無字碑詩東海長天風萬里吹玉函金檢至今疑袖童女淨查去不回幾迴車携五色如椽筆來補秦王無字碑童女淨查去不回幾迴車枯山靈愛寶隱元符從教烈其二輦望蓬萊而今欲續秦人炤焚經史致使秦碑字也無其二輦望蓬萊而今欲續秦人字誰是鞭王乘錄無字碑詩雲去蒼苔綠風來古樹春山駕壑材荒碑無篆跡山亦解亡秦

晉

泰山君改高樓碑

升平三年六月

見趙明誠金石錄今佚

北齊

金剛經石刻

八分書

在石經略今殘

按泰山龍泉峯西有八分書金剛經字徑尺五寸許無時代姓名明王世懋紀遊云書不能唐定宋人筆耳攷北齊武平

元年冠軍將軍梁父縣令王子椿嘗于徂徠山刻石經二并彌勒諸佛名字蹟瑰異與此如出一手書則是經或亦子椿所作耶

唐

岱嶽觀造像記

正書

顯慶六年二月

在老君堂

按老君堂前有碑二高六尺許上施石蓋合而東之俗稱鴛鴦碑其字每面作四五層每層文一首或二首皆唐時建醮造像之記此記在西碑北面第一層文云顯慶六年二月二十二日勅使東嶽先生郭行真弟子陳蘭茂杜知古馬知止奉為皇帝皇后七日行道并造素像一軀二真人夾侍

岱嶽觀造像記

正書

儀鳳三年三月

右記在西碑北面第二層文云儀鳳三年三月三日大洞三

泰山圖志

卷五上

五

景法師葉法善等奉勅于此東嶽修齋設河圖大醮所有鎮絲等物敬造壁畫元始天尊萬福天尊像兩鋪功德既畢勒石紀年

岱嶽觀造像記

正書

大周天授二年二月

右記在東碑北面第一層

岱嶽觀造像記

正書

萬歲通天二年四月

右記在西碑北面第一層

岱嶽觀造像記

正書

聖歷元年臘月

右記在東碑南面第一層

岱嶽觀齋醮記

正書

久視二年正月

右記在西碑北面第二層

行博城縣令馬友摩早春陪勅使麻先生祭嶽詩

正書

在東碑

側第詩曰我皇盛文物道化天地先鞭撻走神鬼玉帛禮山川
一層詩曰忽下元洲使來遊紫洞前青羊得處所白鶴恠時年
虞懇飛龍記昭彰化鳥篇巖風半山水鑪氣摠雲烟光抱昇中
日霞明五色天山橫翠微外室在綠潭邊緹幕灰初暖焚林火
欲然年光著草樹春色換山泉伊水來何日嵩巖去幾年山疑
小天下人是會神仙葉令乘鳧入浮邱駕鶴旋麻姑幾年歲三
見海成田

宣義郎行博城縣丞公孫杲贈諸法師詩 正書在西碑側詩

曰駕鶴排口霧乘鸞入紫煙凌晨味口菊薄暮玩峯蓮
玉葉伍梁下金鸞列窓前嘯傲雲霞際畱情鱗羽年

岱嶽觀造像記 正書 長安元年十二月

右記在東碑北面第二層

岱嶽觀設醮記 正書 長安四年九月

右記在東碑南面第二層

岱嶽觀造像記 正書 長安四年十一月

右記在西碑北面第三層

泰山圖志 卷五上 六

岱嶽觀齋醮造像記 劉秀良正書 神龍元年三月

右記在東碑北面第三層

岱嶽觀齋醮造像記 正書 景龍二年三月

右記在東碑北面第四層

岱嶽觀造像記 正書 景龍三年三月

右記在西碑南面第一層

岱嶽觀齋醮記 正書 景雲三年六月

右記在西碑南面第二層文云景雲二年六月二十三日皇
帝敬憑太清觀道士楊太希於名山斫燒香供養惟靈蘊秘
凝真含幽綜妙類高旻之亭育同厚載之陶鈞蓄洩烟雲蔽
虧日月五芝標秀八桂流芳翠嶺萬尋青溪千仞峴裳戾止
恒爲碧落之庭鶴駕來遊卽是玉京之域百祥單於遠邇五

福被於黎元往帝所以馳心前王由其載想朕恭膺寶位嗣
守昌圖恐百姓之不寧慮八方之未泰式陳香薦用表深衷
實冀明靈降茲休祉所願從今以後浹寓常安朕躬男女六
姻永保如山之壽國朝官寮萬姓長苻擊壤之歡魚鳥遂性
於飛沉夷狄歸心於邊徼實希靈鑒用副翹誠今因練師遣
此哀悉

岱嶽觀齋醮記 正書 景雲二年八月

右記在東碑南面第三層

岱嶽觀齋醮興造記 正書 開元八年七月

右記在東碑南面第三層

岱嶽觀造像記 正書 開元十九年十一月

右記在西碑南面第二層

泰山圖志

卷五上

七

岱嶽觀齋醮記 正書 開元二十年二月

右記在西碑南面第四層

岱嶽觀齋醮記 正書 大歷七年正月

右記在東碑南面第四層

岱嶽觀齋醮記 正書 大歷八年九月

右記在西碑北面第四層

岱嶽觀王圓等題名 正書 大歷十四年二月

右記在西碑南面第四層文云淄州刺史王圓□□□馮洵
山人王□宇大歷十四年二月二十七日同登泰嶽時真君
道士卜皓然萬壽道士郭紫微各携茶□但候于廻馬嶺同
憇於王母池登臨之興無所不至駟使官樂瓌題記

岱嶽觀敬謬等題名 正書 建中元年二月

右記在東碑東側第二層文云平盧淄青支度判官中大夫
檢校尚書工部郎中兼侍御史敬謩節度押牙中大夫試殿
中監馮珣山人呂滔文林郎守兗府兵曹參軍田浩文林郎
任城縣尉高錕朝散大夫行任城縣令權知乾封縣令揚序
節度駙使官朝散郎光祿寺主簿明幹唐建中元年二月二
十九日同登岱嶽因訪瑤池故志之

岱嶽觀劉難拖等題名 正書

右記在西碑側第五層文云乾封縣令劉難拖守鄆州盧縣
丞權知岱嶽令畢從勸羊希俊天師下行宮邊阿秀張友朝
使下行劉伯川大道弟子鄭仙芝岱嶽觀主道士趙昌元使
下行劉伯川石口潘仙觀萬歲觀主道士口口口上清元都
大洞三景缺五字真君廟院主檢校道門道士卜皓然口岱嶽
泰山圖志 卷五上
觀三洞法師尹口口

岱嶽觀魏嘉禮等題名 正書

右記在西碑側第三層

岱嶽觀口偃等題名 正書 建中元年

右記在東碑南面及西碑南面第五層

岱嶽觀任要等題名并詩 正書 貞元十四年正月 任要

臘月中與韋戶曹遊發生洞徘徊之際見雙白蝙蝠三飛洞門
時多異之同為口號 山翠巒靈洞洞深元想微一雙白蝙蝠三
度向明口雖言有兩翅了自無毛衣若非
飽石髓那得凌口口偶歸 欲驗發生洞先開冰
見歸堪說殊勝不見歸 韋洪遊發生洞詩 雪行窺臨見二翼色
素飛無聲狀類白蝙蝠幽感騰化精應知五
馬來啟蟄口春榮露晷口之久鳴騶還慰情

右記在東碑北面第三層文云檢校尚書駕部郎中使持節
都督兗州諸軍事兼兗州刺史侍御史充本州團練使任要

貞元十四年正月十一日立春祭嶽遂登太平頂宿其年十
二月二十一日立春再來致祭茶宴于茲同遊詩客京兆韋
洪押衙王遷運乾封縣令王怱尉邵程嶽令元宣造車十將
程日昇後到續題

按碑記凡十九首題名及詩凡八見顧炎武云書非名筆故
摩拓者少而獨完趙德甫金石錄不收自屬有見考亭林金
石記亦祇存名目年月文皆佚今登其文之雅馴者六首詩
四首餘悉倣顧例

登封紀號文 高宗撰并行書 乾封元年二月 見金石錄今佚

登封紀號碑側 正書 見金石錄今佚

登封紀號文 高宗撰并小字行書 見金石錄今佚

登封紀號文碑陰 小字正書 見金石錄今佚

泰山圖志 卷五上 九

登封降禪朝覲之碑 李安期撰 乾封元年 在山頂雲峯下今毀

劉仁願題名 正書 乾封元年正月 在山頂雲峯西

文云□□衛將軍魯成縣開國公上柱國劉仁願潁川郡夫

人陳□□□出身□□二男懷瓚任宏文館崇生女一人新

婦竇三新婦于乾封元年正月十九日□記

王仁恭祭嶽頌 嚴浚撰序邢令均頌 杜行均八分書 長

壽二年正月 見鄭樵通志今佚

修封禪壇記 賈膺福撰并正書 景雲二年八月 見金石錄今佚

紀泰山銘 元宗御製文并八分書 開元十四年九月 在山巔大

觀峯文載封禪卷內

朱夔尊開元泰山銘跋 莊周稱易姓而王封泰山者七十二家勒石千八百餘處歷千萬禩而石

感玉牒後人莫得見其形兆果明神為之守護即祖龍肇始立碑久已掃迹兩漢迄唐開世一修時邁之典開元天子允

文武百寮之請于十三年冬十一月式遵故實... 詔中書令張說右散騎常侍徐堅太常少卿韋瓘... 康子元國子博士侯行果于集賢書院撰儀注已丑日南至... 法駕詣山下御馬以登行果于集賢書院撰儀注已丑日南至... 勒于山頂之石以十四年九月景戌告成于是中書令張說... 撰封祀壇頌侍中源乾曜撰社首壇頌禮部尚書蘇頌撰朝... 觀壇頌趙明誠金石錄目載泰山銘側有題名三列今已亡... 之而頌頌授梁昇卿書刊御製銘右明有俗吏以忠孝廉節... 四大字鑱其上頌文毀去者半可憾也碑銘典雅或是燕許... 手筆而御書遒勁若怒猊渴驥羈束安閑不比孝經之多肉... 少骨若唐隸盡如此何慙漢碑碣乎山高四千九百丈二尺... 行旅出于塗者車前馬首仰視畧可觀歲在己酉五宿茲山... 之麓未克叩天關陟環道手模其文詢之野老必架木緣絕... 而上然後推拓可施又山高多風兼慮日曝紙幅易裂若其... 其難也曩者先後裝界三本悉為好事者所奪已丑夏同里... 沈秀才翼能分書獲此本于白下雖有闕文乃百年以前舊... 揭爰審定而書其本末于冊尾銘書隋作隨書釋作奕奕... 有曰自今而後傲乃在位將多于前功而悲彼後患豈意天... 寶之亂近在目前也乎是歲六月沈廷芳重登泰山觀唐紀... 丁未舟發江都阻風瓜洲渡口書

泰山銘磨崖碑詩

我登泰山歲乙丑其月仲春日辛酉是時

泰山圖志

卷五上

出仁義被九州君王斯夕恒微惕韓張姚宋非常儔坐享承... 平廿餘載民康財阜滋天庥撫茲清宴長怠敖封禪將行先... 祀廟爰稽七十二代事惟天惟祖致虔告禮成聿著此銘詞... 詞仿典謨何煜耀巨手傳自張說筆頌揚功德奚太邵明皇... 八分洵邁古大書深刻高崖峭是舉端由說贊成蹕入咸京... 官爵冒用肇天寶喪亂基唐室陵夷延末造吾聞五載一周... 巡唐虞三代制可循粵若秦漢誇侈大應令敬仲嗤于春... 國朝天子實聖神先後作述古莫倫狩法大舜祇柴望省方... 意在循斯民敬觀普照乾坤字雲峯鑄刻俱嶙峋卽今萬笏... 劑削待御墨不輕降紫宸金泥玉簡屏勿用升中有戒欽... 臣隣明德動為後世則唐碑縱佳徒可嘖我憇崖下塵鞅息... 回首前遊心惻惻不見無字祖龍碑祥符奸相蹟同泐歸來... 獨覽浯溪銘漫與清臣足矜式

按唐元宗紀泰山銘人謂之摩崖碑王世貞云其下三尺許... 爲揭碑者冬月燐火蝕之遂不全自第二行起至第二十三... 行末共計缺一百八字濟南府志載碑下截剝落葉彬補書... 百八字形似小異恐卽此也元宗碑刻舊填金泥在元時錯... 落猶有存者見杜仁傑記今雖歷久殘缺然每當日色晴朗

時自南數十步外望之猶若字裏行間光彩照灼也碑後備列從臣題名亦隸字徑一寸後人以古篆鑿毀猶有開國公臣李仁德上柱國臣李元絃臣尉大雅臣王敬之等字可辨空處有開元二十三年董靈寶及宋以來題名惟顏真卿題名已亡

封祀壇頌 張說撰 開元十四年 見岱史在府城南四里舞鶴臺今佚文載封禪卷

朝觀壇頌 蘇頌撰 梁昇卿八分書 在大觀峯元宗紀泰山銘右今佚文載封禪卷

泰山石闕題名 見金石錄今佚

泰山碑側題名 見金石錄今佚

封禪壇殘碑 陸堅八分書 見金石錄今佚

造泰山御碑記 孫文慶撰 正書 開元十四年十一月 見金石錄今佚

泰山圖志 卷五上

造泰山御碑陰 見金石錄今佚

社首壇頌 源乾曜撰 見馬端臨文獻通考今佚

嚴真卿題名 見金石錄在元宗紀泰山銘側今毀

董靈寶題名 正書 開元二十三年七月 在元宗紀泰山銘側

按題名左讀文云莫州泛龍觀道士董靈寶為國投龍設醮開元二十三年七月一日

岱嶽天齊王靈應記 萬賓書 見通志今佚

張鍊師題名 正書 大歷八年 在桃源峪今殘

右題名已鑿毀猶有時十月張鍊師與韓補閣前建使因拜嶽大歷八年二十字可識

青帝觀石刻 大中口年 今佚

右石刻舊存大聖祖無上大道金闕元元天皇大帝之號見

元好問東遊畧記

李白泰山吟詩碑

篆書

舊在會真宮今毀詩載藝文

按岱史李白泰山吟其碑四面萬歷甲午秋燬于火未知何時所刻姑附唐末

後梁

小蓬萊題名

乾化辛未

在王母池北

右題名凡四一正書左讀文云運口龔口能巡山李元英主簿顏志道縣尉陳聖微同觀辛未改元後二日題又一正書文云巡山李元英鉅鹿簿張伯揚濟陽掾張君猷同主觀張義之遊此又一正書左讀文云壬申秋社日主簿顏志道尉揚子章同觀主張義之到是峪水聲寒玉山色迷靄深得仁智之趣觀夕陽忘歸是日濟北王仲文題又一八分書左讀

泰山圖志

卷五上

三

文云巡山孫明叔末掾揚子平弟尉子章同觀瀑浪癸酉六月十三日顏志道題泰山金石考云右刻皆無年號攷宋金元無辛未改元者自後梁太祖開平時辛未改元乾化至癸酉則末帝之乾化三年也

後唐

冥福禪院地土記

正書

長興四年九月

在冥福院

按此牒後二行曰樞密使檢校太傅平章事駙馬都尉趙日樞密使檢校太傅平章事范蓋趙延壽范延光也二人皆有押押各有印顧氏金石文字記謂此牒無押者蓋押為印文所亂視之未審耳又碑下方刻奉符縣給崇法院主僧海巖公據一道後書阜昌二年二月蓋冥福院至偽齊時已易名崇法寺僧摩勒執照遂與長興勅牒並立一碑也

後晉

金剛經幢 正書 天福六年正月在冥福院

涑河將軍廟堂記 劉光度撰 史福如正書 天福六年三

月在涑河將軍廟有

東嶽冥福禪院新寫藏經碑 周元休撰正書 天福八年五

月在冥福院碑陰漫漶

惣持咒幢 釋歸仁正書 天福九年在高里山神祠東

佛頂尊勝陀羅尼經幢 正書在冥福院

右石幢無年代書人姓名姑附五代之末

泰山圖志卷五下

東海 朱孝純 子穎 輯

金石二

宋

登泰山謝天書述二聖功德之銘 真宗御製并正書 大中

祥符元年十月 一在山頂唐高宗明皇二碑之東殘毀
一在府城南門外壕上交載封禪卷內

按是碑並摩二本其勒山上者為明嘉靖間鄞人汪坦大書
東安邵鳴岐等題名一則又汝南人翟濤自為題名復書德
星巖二大字鑱蓋於上其原碑上截大半每行皆毀三四字
不等空處多殘缺半字及間有三二完字其下截六尺許每
行尚有字句可讀共計存二百二十五字獨篆額蓋泰山謝
天書述二聖功德之銘十三字完好如初其勒城南者所謂

泰山圖志 卷五下

陰字碑也明巡按吳從憲篆書其前曰泰陰碑五石合成制
若屏障與岱巔殘碑字畫無異則宋真宗之述功德銘磨崖
岱頂班班可考固不止城南一碑已也文獻通考初王欽若
言唐高宗元宗二碑之東石壁南向平峭欲即崖成碑以勒
聖製上曰朕之功德固無所紀若須撰述不過謝上天敷佑
叙祖宗盛美爾命勒石北向以答天眷元好問東遊畧記云
嶽頂封禪壇下有唐宋磨崖據此則真宗之述功德銘先經
磨勒岱巔後又立碑城南後人第知有城南之碑而不復知
有岱巔之碑矣

青帝懿號詔并讚及祝文 御製并書 大中祥符元年十月

見岱史在青帝觀今
佚文載祠宇卷內

封祀壇頌并序 王旦撰 裴瑀行書 大中祥符二年七月

在府城南門外
文載封禪卷內

朝觀壇頌并序 陳堯叟撰 尹熙古行書 大中祥符二年

七月 在府城南門外
文載封禪卷內

天貺殿銘 楊億撰 尹熙古行書 大中祥符二年十一月

在岱廟文載
祠宇卷內

天齊仁聖帝碑銘 晁迥撰 尹熙古行書 大中祥符五年

六月 在岱廟延禧殿外
文載祀典卷內

泰山書院記 石介撰 康定元年七月 見徂徠集今佚
文載名蹟卷

宋禧題名 皇祐四年三月 在岱嶽觀雙
碑石蓋上

文云轉運使尙書工部郎中宋禧因巡歷遊岱嶽觀皇祐四

年三月二十有二日題時奉符宰殿省丞張周偕行

李陟題名 皇祐四年五月 在岱嶽觀雙
碑石蓋上

泰山圖志 卷五下 二

文云州從事李陟因幹事至邑率巡山供奉何懷智前巡山

侍禁李安龔邱簿胡穆臣符離進士張琬屢遊時皇祐壬辰

歲仲夏月十有一日陟題石觀主王歸德道正李若清

龐歸蒙等題名 正書 皇祐五年四月 在王母池
北石上

文云大宋皇祐五年歲次癸巳四月一日庚午記掌文籍賜

紫龐歸蒙掌文籍賜紫蔣茂周上座賜紫李茂之觀主賜紫

王歸德前觀主賜紫高歸道道正賜紫李若清

王紳袞題名 正書 熙寧七年八月 在漆河將軍
廟堂記碑陰

文云再謁靈派神祠請雨故也熙寧甲寅秋八月右璫王紳

袞儀父題

馬熙題名 正書 熙寧八年二月 在碧霞
祠西

文左讀云新覓守尙書外郎馬熙自仙源來謁帝祠是日登

嶽徧遊東西絕頂新宿州掌嶽掾林會從大宋熙寧八年二月二十四日

淵濟公廟記 趙合撰 元豐五年 在白龍池文載祠宇卷內

靈派侯廟重修木帳記 王或撰 正書 元豐八年六月 在靈

廟派侯

劉袞等題名 正書 元祐二年正月 在碧霞祠西

文云竟海守劉袞奉詔祈雪次謁玉女祠率巡山劉孟邑令

林會登二絕頂臨四觀遍覽勝概元祐丁卯孟春三日

趙愿施石柱記 正書 元祐二年七月 在岱廟三茅殿東

劉仲平題名 正書 元祐六年二月 在水簾洞

文云元祐六年劉仲平遊岱嶽觀主張舜民同來二月七日

荆置王母殿花園石刻 正書 元祐八年 在王母池

泰山圖志 卷五下

文云元祐八年岱嶽觀重修王母殿及砌壘山子荆置花園

一所與龐歸蒙等題名並刻一石無姓名

東元伯等題名 正書 元祐甲戌 在小蓬萊石崖上

文云蘭陵東元伯與江子正藺思道馬濟叔韓公權張義之

同遊甲戌孟秋望日題

江子正等題名 正書 在東元伯題名旁

文云泰山江子正口邱翟公肅口口七月晦日

上官均題名 正書 紹聖二年十月 在振衣岡

文云京兆上官均以使事抵奉高同靖恭楊昇遊嶽頂觀日

出覽歷代遺跡紹聖二年十月七日

趙令緋等題名 正書 紹聖三年四月 在振衣岡

文云開封趙令緋紹聖改元濟南從事罷官敬謁帝祠時窮

冬不能遊岱宗快恨而去明年爲東魯別駕復得以職事思
造祠下遂登絕頂東望日出遍觀古跡巡山張佖邑尉劉口
同行紹聖三年四月朔

回回翁詩

正書

紹聖五年三月

在府治南
關帝廟

右回回翁詩碑凡二層一正書云昔日曾遊此如今九十春
紅塵多少客誰是識予人回回翁題紹聖戊寅三月二十一
日留題□□池上一行書云昔年留字識曾來事滿華夷遍
九垓無賴蛟虬知我字□留蹤跡不沉埋回公再書政和丙
申六月十八日題王母池北回翁岱史稱呂岳按碑作回回
翁岱史又謂天聖戊寅政和丙申前後題詩於王母池好事
者摩其真蹟於會真宮宋史天聖無戊寅碑刻乃是紹聖岱
史誤耳今關帝廟卽宮故址

泰山圖志

卷五下

四

張佖等題名

正書

在振
衣岡

文云開封張佖宛陵梅昌遊同登太平頂介下虞老侍丙子
四月七日

孫慚等題名

正書

元符三年九月

在紀泰
山銘旁

文云元符三年九月二十三日孫慚楊景李堯臣李敏能同
登泰山三頂觀歷代遺跡

楊舜賓等題名

正書

建中靖國元年三月

在紀泰
山銘旁

文云建中靖國元年三月二十四日楊舜賓李子儀趙公立
呂君禮同遊

岱廟鐵桶記

正書

建中靖國元年五月

在岱廟峻
極殿墀下

文云大宋國兗州府奉符縣獻鐵桶會首李諒記竊以神功
默運潛持禍福之權妙用無私密握生成之造伏見國家尊

崇廟貌百物鼎新而聖帝廟前闕少水桶二隻今糺到敬神之衆共結良緣建中靖國元年五月口日

趙令煒題名 正書 建中靖國元年九月 在趙愿施石柱記左

文云西頭供奉官新劍州兵馬監押趙令煒謹施東嶽廟行廊石柱一條乞保父右金吾衛大將軍衡州防禦使世臚母壽安郡君丁氏增延福筭建中靖國元年重陽日記

郝樛年等題名 正書 崇寧元年三月 在紀泰山銘旁

文云郝樛年田國材許遜程康崇寧初元季春念六日同登岱山三峯

郭異等題名 正書 崇寧元年十一月 在虬在灣北

文云郭異世英奉使京東按部過此劉朋無黨同遊男左侍行崇寧壬午十一月晦日書

泰山圖志 卷五下 五

趙子和等題名 正書 崇寧三年九月

文云趙子和趙君安口口源崇寧三年乙酉季秋同登泰山三峯刻石磨崖側

范致君題名 正書 大觀元年正月 在岱廟殿壁

文云武夷范致君久慕仙風自楚之魯遂登泰山以望八極之表有宋大觀元年正月二十三日記于是碑

永年題名 正書 政和三年四月 在愛身崖

文云臨川口永年天明登頂訪古因觀日出時政和癸巳四月二十九日口

張泐等題名 正書 政和四年十二月 在紀泰山銘東崖上

文云青社張泐和甫開封錢慎無咎弟悟穎達中山劉濠子容政和甲午季冬四日同登絕頂觀封禪壇看日出步頂還

邑

張大受等題名

正書

政和五年九月

在紀泰山銘側

文云清河張大受河南褚充善昌黎韓通叟政和五年九月

六日同登

無咎等題名

正書

政和五年十月

在呂公洞側

文云無咎穎達侍親遊此政和乙未孟冬十六日

趙明誠等題名

正書

政和六年閏月

在紀泰山銘側

文云太原王貽公與天水趙明誠德父政和六年閏月八

日同登

陳國瑞等題名

正書

政和七年

在石經峪北

文云莆陽陳國瑞子玉校學奉高遊石經谷熟視筆畫字徑

尺餘非人所能歷千百年曾不磨滅豈非神力護持以遺觀

泰山圖志

卷五下

六

者政和丁酉春餘一日題承議郎知縣事鄭温恭勒石

升元觀牒

正書

政和八年閏九月

在升元觀

按金石文字記云右碑書甚遒勁不知何人筆錄之以見當

日牒文之式考宋史婁寅亮傳但云政和二年進士為上虞

丞牒云兗州儀曹掾兼兵曹亦可以補史之缺其曰太師魯

國公則蔡京也

董元康題名

見金石文字記在岱嶽觀今佚

盛勛題名

政和八年十一月

見金石文字記在岱嶽觀今佚

韓顥等題名

正書

政和八年

在王母殿前旛竿石

文云保義郎前辰州安隆同巡檢韓顥先受差使任滿得

替謹發口躬詣祠下拜祝果口口大宋政和戊戌口月二日

謹題

賈洵題名 正書 政和八年 在泰山銘東崖上

文云政和八年春先公任京東西路提點刑獄公事遊岱嶽下刻石於先祖題字傍是時洵以幹留汶上後二十五年洵自口北移山東西路轉運副使大夫庚申仲夏以職事至奉符登此恭覽先祖先公留題不勝感愴但歲月悠久風雨剝落猶存髣髴□□□刻□書□□□平賈洵□

錢伯言紀遊 行書 宣和元年九月 在岱廟峻極殿西墀下今毀文載藝文卷內

避風崖題名 俱正書 在崖石上

按題名凡七一云補之及之貫道自絕頂廻歇此巖下一云饒陽鎮田完全史賽李千遊岱頂庚子三月六日記張進口一云磁州左口揚式王立楊玫曹渙宣和次歲三月□日遊此一云保順軍安立同妻牟氏并男□奴外生魏琦宣和次

泰山圖志 卷五下 七

歲三月六日登頂遊此記一云千乘縣十河店陳文鉅宣和二年遊頂記一云沂州沂水縣張買奴遊頂宣和二年三月十日記嚴青□一云鉅野薄文叔劉子□張恭文遊頂廻宣和庚子三月十五日其饒陽鎮田完以下六題名俱刻補之之西

重修秦嶽廟記 宇文粹中撰 張滌正書 宣和六年三月

在岱廟內炳靈殿外文載祠宇卷內

白龍池題名 並正書 在傲來峯下白龍池石壁

按金石文字記載白龍池宋人題名凡十五首茲不復錄近復搜得十三首為顧氏所未見其一文云府管嵇景華邑尉安中立同遊白龍池熙寧甲寅三月二十一日題 左讀 一云范陽正輔遊岱宗訪此時丁丑正月既望題一云山陽龔無黨

被漕檄權宰奉高因率兒姪輩遊此時元祐庚午仲冬十一日一云汴陽无永居士任紹承祖朝獄罷同青帝觀主楊若冲遊太平頂回瞻視白龍池勝跡時大宋紹聖三年二月十五日謹題一云德充忠王國寶文仲紹聖丁丑三月左一云韓存中點檢嶽脩造同王濟之一游庚辰十月二十七日左一云古豐任良孫嵩同口古沛邵禮同遊建中靖國元年季春仲旬日一云長清董元康弟元發元濟元書男質友人李勝之同遊崇寧元年壬午季春旦日新監海門稅董直書一云清邑劉純叔同李無悔崇寧癸未四月二十五日遊此一云政和甲午仲秋七日東明劉子晉鄆城李冲季游白龍潭觀百丈崖還憩于此左一云政和乙未口口十七日來遊白龍池上偕普濟范顯道鄧公序錢無咎孟世夫党子山劉子

泰山圖志

卷五下

八

容劉和仲宋正之張子祥張子明閻傑之郝伯洪一云政和乙未季春十八日遊白龍池上偕普濟侯口始范顯道南陽鄧公序臨安錢無咎馮翊党子山平昌世達中山劉子容山人劉和仲宋正之張子祥張子明閻傑之鹿珍郝伯洪一云長清董自恭謁白龍池之祠罷酌泉石上時乙未孟冬中澣日左一云水滸觀

桃源峪題名

在峪東

右題名一云朝奉郎張邦茂宣德郎張權道觀主劉子諒宋紹聖二年十二月十三日同遊劉太和口正書一云劉康叟紹聖丙子五月二十八日觀正書一云趙茂實曹世隆徒步到此政和甲午季夏十一日正書一云長清董元康政和甲午仲秋日訪泉石因携家飲此質贄賁侍行行書左讀一云

詩 國朝吳雲聖殿記又環詠堂記孔貞瑄聖殿記康熙十五年並刻一石餘不具載

金

張憫題名 正書 天眷元年八月在御帳巖西

文云憫伏見此御帳之下回轉窄隘登陟艱難同妻劉氏辦心命工疊砌庶得易為上下者天眷元年八月十五日寄居

泰安軍新街張憫謹施砌

普照寺牒碑 正書 大定五年正月在泰山西麓普照寺殘毀

重修東嶽廟碑 楊伯仁撰 黃久約正書 大定十九年四月在岱廟內文載祠宇卷內

魯兩先生祠記

党懷英撰并隸書 大定十九年十月今佚文載

府志

泰山圖志 卷五下

徐鐸等題名 正書 大定二十六年三月在紀泰山銘東

文云石城徐鐸被符度修諸祠工費因登絕頂周覽而還大定丙午三月十七日全游蒲陰趙七斤男鄭和尙侍

姚亨等題名 正書 大定二十九年在紀泰山銘東

文云郡守朝請姚亨會暇日來遊男楷侍行同口縣口口事王宗儒主簿完武字木魯掃出縣尉武功沒撚木里也司侯忠武蒲察麼里哥酒政承信馬洪基大定己酉夏初一日

蒲察題名 正書 明昌元年三月在紀泰山銘東

文云皇姑濮國大長公主口口口同駙馬濬州防禦蒲察敬詣岱嶽焚香致禮畢明日遂登絕頂拜于玉仙祠下時明

昌元年三月十二日

谷山寺記 党懷英撰并八分書 泰和元年五月在嶽東北谷山寺文

載祠宇
卷內

新補塑釋迦佛舊像記 党懷英撰并八分書 泰和六年四

月舊在冥福寺今移縣署土地祠斷缺

玉泉二字 党懷英八分書在谷山寺玉泉旁

郭侯絳題名 泰和八年八月在紀泰山銘東崖

文云口澤郭侯絳湯聖惠古滕完顏從正書泰和八年八月

二十三日同登

高益富等題名 正書在雲峯西巖

文云高益富呂小隴奉口聶倚稔與笙博士花小奴同登

傲來山題名 貞和三年七月

文云公府東至天灘寨部領人夫勾當使委差修完山貞祐

三年七月日

泰山圖志 卷中

十一

雞籠峯三字 正書在大峪北

弄水巖三字 正書在雞籠峯北

元

天門銘 杜仁傑撰 嚴忠範正書 中統五年正月在南天門外西

石壁文載山水卷內

東平張宣慰登泰山記 杜仁傑撰 王正書 至元二年二

月舊在岱廟延禧殿今移縣署土地祠文載藝文卷內

會仙觀碑 鹿森撰 王天挺書 至元五年正月在泰山東北五十餘

里門家墅文載祠宇卷內

重修靈派侯廟記 王正撰并書 至元十三年十月在城西靈派侯

廟文載祠宇卷內

藥師七佛閣記 閻復撰 李謙八分書 至元二十一年正

月在谷山寺東文
載祠宇卷內

嶽陽重修朝元觀記 徐世隆撰 劉惟一篆書 至元二十

二年三月在升元
觀內

金帥劉瑀填池靈異記 王天挺撰并書在白龍
祠今佚

岱嶽觀禁約 至元二十九年九月在王母
池今佚

文云該奉州官臺旨禁約諸人無得于池上下作穢如違決

杖八十當職准此合行榜諭禁約至元二十九年九月日

劉詢等題名在振
衣岡

文云長樂劉詢鄱陽程振程邁同登太平頂觀日壬辰四月

左書

重修竹林寶峯禪寺碑 李謙撰 釋福門書 元貞元年九

月在寺
側

泰山圖志 卷五下

三

嚴實禮嶽祠記 杜仁傑撰 商挺書 至大二年在振衣
岡今毀

商挺等題名 至大二年三月在振
衣岡

文云歲在己酉春三月二十八日與上谷劉詡原武靖口燁

同登曹南口口謹題

張郁等題名 至大二年十一月在振
衣岡

文云歲己酉十一月初五日泰安州刺史張郁建立大行臺

嚴公磨崖二碑模勒鄉貢進士王天定吏目梁弼徐昇王坦

石匠高政男高源楚太周仙王成監修司侯判官范元謹題

張天益題名在白
龍池

文云清河張天益嘗謁嚴公于此

李簡謝雨文 至大七年二月在白龍
池今佚

張志純偈頌 張貞書 延祐四年二月在郡城
關聖廟

太師泰安武穆王神道碑銘 姚燧撰并八分書 延祐四年

四月 在泰山西南址 文載藝文卷內

創建藏峯寺記 劉綬撰并書 延祐六年六月 在嶽西 藏峯寺

漢栢二字 趙孟頫書 延祐年 舊在岱嶽 觀今佚

聖旨碑 凡二一泰定元年鼠兒年十月二十三日立一 至正四年猴兒年九月二十九日立 在岱廟延禧殿前今毀

嚴實等題名 正書 至正二年七月 在振衣 岡今毀

文云東平叅議王玉汝經歷汶上張昉知事柯亭李滋濟南

杜仁傑須昌孟謙從大行臺嚴公以己酉七月中泮禮嶽祠

竟是日遂登絕頂陳人徐世隆題

東嶽別殿重修堂廡記 杜翺撰 周公貞書 至正十三年

四月 在嶽廟延禧殿今毀

延禧殿記 杜翺撰并書 在殿前 今佚

泰山圖志 卷五下 三

楊世瑛題名 至正十八年二月 在桃源峪

文云大元至正十八年二月初八日因為紅巾占據泰安州

調遣淮南府口元帥楊世瑛統兵一十七府口口萬戶張田

玉等將至 缺五字 遊觀到于泰山崑內泉石之下古蹟可人口

口筆姓名于石萬戶張田玉李諒萬戶李玉口知事胡長孫

方回張榮祖

感澤記 至正二十五年六月 在白龍池

萃美亭記 徐琰撰 見岱史亭祀石 移文廟今佚

明

五嶽真形圖 在泰安縣署土地祠 張宣慰泰山記碑後

施閨章歌 五嶽足跡誰能徧五嶽真形誰所見岱宗山下嶽 祠東鐫瑤刻玉窮鬼工紫泥揚就珊瑚色高堂日

射扶桑紅璇宮銀闕森髣髴羣仙玉女紛相從禹鼎沉淪多 不若山林佩此百神却丹竈思尋勾漏砂靈巖定承天台藥

陟嶽尋仙思漢武茂陵寂寞一抔土
倘許吾曹有仙骨君現真形與君語

感雨記 夏靖撰并書 景泰年在白龍祠今佚

東嶽泰山之神廟重修文 薛瑄撰 陳銓書 天順五年在天

既殿碑陰文 載祠宇卷內

重修高里山神祠碑 許彬撰 原傑書 成化三年五月在森

羅殿後 碑亭

重修藏峯寺記 張璉撰并書 成化十五年在嶽西 藏峯寺

賈宣謁白龍祠詩 成化十八年在白龍池石壁

東嶽圖 王以賓重摹 成化十九年舊在岱廟今移 縣署土地祠

尚綱遊泰山記 成化二十二年在巖巖亭今佚

吳寬魯兩先生祠記 成化二十三年在祠內文載 藝文卷內

重修碧霞靈應宮記 徐溥撰 尹旻書 宏治十年在水簾洞

泰山圖志 卷五下 十四

王守仁泰山高次王內翰司獻韻 宏治十七年九月詩載藝文卷內

重修東嶽冥福寺記 任文獻撰 王龍書 正德十三年三

月 在縣署土地祠

汪坦般頌石刻 嘉靖四十一年七月在石經峪

重修東嶽廟記 李欽撰 安科書 嘉靖四十二年六月在岱

廟西墀 今佚

重修艷都廟記 李欽撰并書 嘉靖四十二年十月在廟門右文載

祠宇 卷內

郭詔銅鼓記 在岱頂碧霞祠今佚

文云予寅長右轄熙臺潘先生政暇嘗登斯山感獻遺之物
而其殄也乃白諸巡撫大中丞南臯王先王鑄銅鼓四竅
其心置橐鑰焉以象四時鼓萬物生長收藏又為之鼎附之

瓶以達細縕之氣其知所謂鼓之舞之以盡神者與猶未也
又欲顯諸道德行各識以銘鼓曰元氣鼓萬物春差爾岱神
乎神氣再鼓麗朱夏品物亨乃神化孰鼓舞秋乃收物之府
神之休息而息爾鼓爾物歸根元資始又鼎銘曰不平者情不私者
辨香維誠人在洪爐左右和平又瓶銘曰不平者情不私者
平神馮人哉人馮神哉吁淵乎微矣可以幽贊於神明矣予
故為之記示後世有考焉已矣

謝東山祭告三神祠詩

在岱廟三茅殿
壁刻石今佚

龔慶錢守紀游碑陰

鄒宏文跋

方元煥行書

嘉靖二十

四年

在岱廟
內今毀

重修碧峰寺記

孫緒撰并書

隆慶五年

在嶽
西麓

高山流水亭記

萬恭撰

隆慶六年

在石經峪
西石壁

泰山圖志

卷五下

五

萬恭等泰陰碑題名

隆慶六年

建立三陽菴碑

蕭大亨撰

張天祚正書

萬歷元年

在殿
前

白龍池贊

袁稔撰并書

萬歷七年七月

在池上石壁
文在山水卷

白雲軒記

李戴撰并書

萬歷十四年

今佚文載
祠字卷

東嶽碧霞宮記

王錫爵撰

田應璧書

萬歷二十一年

今佚

泰安州進香題名記鐵碑

方從哲撰

湯煥書

萬歷二十

二年

在嶽頂
碧霞祠

重修三陽觀碑

于慎行撰

王應星書

萬歷廿三年

在二
陽菴

重修竹林寺碑

吳維城撰并書

萬歷三十年

在竹
林寺

白雲觀新建王母閣記

周國庠撰

張和元書

萬歷三十

七年

在殿
東

重修泰山靈應宮碑

張邦紀撰

胡忻書

萬歷三十九年

在城西
靈應宮

泰山金頂御香寶殿銅鐘讚 神宗御製 萬曆四十二年七

月在嶽頂今
移後石屋

勅建泰山金闕記銅碑 方從哲撰 汪民孜書 萬曆四十

三年正月在岱頂碧霞
祠香亭東

牟守夔等題名 八分書 萬曆四十三年在朝陽
洞右

鍾惺後石塢題名 萬曆四十四年七月在黃
花棧

文云岱不無松松至此始濤焉泉壑映蔚奇為幽豁悅秀戀

響意滿難名取水經語青松飾崖四字示吳康虞林茂之遂

以勒石在明萬曆丙辰七月六日鍾伯敬記

鍾惺題名 萬曆四十四年十月在西天門
東北石壁

文云楚鍾惺歛吳惟明絜孫勗念閩林古度萬曆丙辰十月

泰山圖志 卷五下 六

五日至西天門烟定風歸目恬心霽

西天門題名 鍾惺書

文云立石如屏下視植枒忽意白帝城望江中淫預石時也

鍾惺題

水簾洞題名 鍾惺書在水
簾洞

文云晴雨所覆白雲之上冬愛其原厥流斯養石穹其中俟

時而響岱實為之勸登宏獎

于可久石經峪題名 八分書在高山流水
亭北石壁

欽修泰嶽大工告成賜靈佑宮金碑記 天啟五年六月在岱
頂碧

霞祠香
亭西

重建一天門碧霞元君行宮碑 于可久撰 洪邦基書 天

啟六年三月在紅
門宮

勅建智上菩薩寶刹記 左佩玳撰 徐栴書 崇正十七年

三月 在天書 觀內

國朝

施閨章魯兩先生祠記 順治十年 在祠內文載 藝文卷內

施閨章登岱及兩宿岱頂五大夫松下看流泉詩 在文廟明倫堂壁

宋麟兆重修遙參亭記 康熙十五年 在遙參亭內

施天裔重修東嶽廟記 康熙十七年 在岱廟

御墨亭記 徐旭齡撰 康熙二十四年七月 在岱廟

祭告東嶽廟文 李振裕撰并書 康熙二十八年正月 在岱廟

張鵬翮漢柏詩 康熙四十九年 在炳靈殿

張鵬翮唐槐詩 康熙四十九年 在延禧殿

重修三賢祠記 黃叔琳撰 康熙五十一年三月 在三賢祠文載名蹟卷內

泰山圖志 卷五下 七

趙國治岱麓三賢祠有賦并跋 八分書 在大門內壁間

趙國麟重修三賢祠紀事

重修岱廟記 蔣陳錫撰并書 康熙五十三年 在岱廟

張鏐三賢贊 正書 乾隆十八年 石勒 祠壁

附徂徠諸山金石及碎刻

般若波羅蜜經 王子椿八分書 武平元年 在徂徠山 映佛巖

按王子椿書字巨細不等大者徑尺許其可識者般若波羅

蜜經冠軍將軍梁父縣令王子椿文殊師利日佛言世尊何

故名般若波羅蜜佛言般若波羅蜜無口無口無名無相非

口口無歸依無洲口無口無福無口無口如凡界無古今口

亦無 下缺三十二字 普禧武平元年僧齋大衆造七十七字後有四

字類狀押不可辨

大般若經 王子椿八分書 在徂徠山光化寺東南里許

按子椿大般若經文多漫漶僅存空字有字無字十餘及冠軍將軍梁父縣令王子椿等字後復有數道字及僧真造諸字可辨

佛名石刻 八分書 武平元年 在大般若經旁

按石刻彌勒佛阿彌陀佛觀世音菩薩大空王佛字尙完好後有中正胡賓武平元年八字

法雲禪寺牒碑 大定二年 碑作二層上刻勅牒下鐫張莘夫記在徂徠西南麓

竹谿菴記 時震撰 劉綬書 大德四年 在徂徠山攢石崗西北字漫漶

貧樂巖銘 杜仁傑撰 嚴忠範書 在徂徠山二聖宮漫漶

貧樂巖二聖堂碑 高詡撰并八分書篆額 大德十年四月

在徂徠山二聖宮

泰山圖志 卷五下 六

重修光化禪寺碑 高詡撰并八分書篆額 大德十年四月

在徂徠山光化寺

竹谿佳境四大字 正書 在徂徠山二聖堂北乳山上

徂徠磔石峪瞻田碑 趙國麟撰 康熙五十三年 在徂徠山隱仙觀

右碑刻十一在徂徠山上

東嶽高里山相公廟碑記 胡元資撰 裴聳正書 宋元豐

三年三月 在社首山相公廟壁

重修蒿里山神祠記 徐世隆撰 徐汝嘉書 元至元二十

一年十月 在蒿里山森羅殿側文節錄雜綴卷內

祀泰山蒿里祠記 劉大武撰 劉衍洛書 明萬曆十一年

三月

重修東嶽蒿里山神祠記 李邦珍撰 安科書 明萬曆十

九年

供祀泰山蒿里祠記 朱之蕃撰并書 明萬曆三十一年

右碑刻五在高里山上

社首壇頌碑 王欽若撰 正書 宋大中祥符二年十月交

封禪
卷內

右碑在社首山上

亭亭山神封號勅并告文 行書 宋大中祥符元年十一月

交在山
水卷內

右碑在亭亭山上

孔子登臨處 羅洪先題 正書

天下奇觀 楊可大題 正書

登高必自 翟濤題 正書

泰山圖志 卷五下

九

第一山 李復初題 正書

入雲有路 張口題 篆書

右勒字在泰山一天門

小洞天 甘應甲題 正書

漸入佳境 韓鎬題 正書

中流砥柱 陳甘雨題 正書

右勒字桃源峪

水簾 萬恭題 正書

枕流漱石 正書

冷然清韻 孔聞詩題 正書

萬顆明珠 連標題 正書

清磬 于徐子題 正書

跳珠濺玉 何起瑞題 正書

銘心陶慮 釋守訓題 正書

經正 李邦珍題 正書

人不點頭空說法 石能暴腹也傳經 張有光題 正書

聽泉枕 王審題 正書

濯纓處 姜鏡題 正書

高山流水 萬恭題 正書

源頭活水 正書

石勒字石經峪

入山深處 王之良題 正書

右勒字在水簾洞

人間天上 嵇瓚題 正書

泰山圖志 卷五下

踈松隔水奏笙簧 正書

龍躍雲津 陸濤題 正書

造化鍾神秀 趙之均題 正書

若登天然 正書

右勒字小龍峪

快活天 正書

絕巘飛流 吳同春題 正書

雲衢 周祚題 正書

呼吸帝座 正書

至此始奇 馬一龍題 正書

直與天齊 正書

銀河落九天 王安舜題 正書

太古清音 準泰題 正書

月色泉聲 方攸績題 正書

洗心 李琰題 正書

泉響雲飛 正書

右勒字飛瀑巖

維天東柱 法敏題 正書

雲根 米萬鍾題 篆書

右勒字朝陽洞

松雲絕壁 卞三畏題 正書

仙閣靈府 正書

右勒字處士松側

千葉石蓮 宋炳奎題 正書

泰山圖志 卷

至此又奇 馬一龍題 正書

風濤雲壑 伊介夫題 正書

蒼松翠靄 正書

松風泉韻 正書

月明松翠 趙綸題 正書

盪智生層雲 李樹德題 正書

振衣千仞 正書

石面迸出水松頭穿破雲 正書

右勒字對松山

上天梯 李建功題 正書

右勒字大龍

天門長嘯 正書

至此愈奇 馬一龍題 正書
首出萬山 脫鎬題 正書

右勒字十八盤

五嶽獨宗 張元濟題 正書

山河一覽 正書

白雲深處 正書

鎖雲 正書

雨天下 李戴題 正書

右勒字白雲洞

翛然振衣處 左佩玆題 正書

右勒字在日觀峯

日近雲低 崔應麒題 正書

泰山圖志 卷五下

右勒字在圍屏峯

為善如登 正書

右勒字碧霞祠前

天根雲窟 正書

壁立萬仞 正書

彌高 八分書

山靜泉清 正書

青壁丹崖 正書

雨餘雲海 正書

一塵不染萬境皆空

置身霄漢 李樹德題 正書

至此奇絕 馬一龍題 正書

躡雲捧日 正書

右勒字大觀峯

超然塵表 正書

天柱東維 正書

右勒字在德星巖

無能名焉 正書

俯視一切 正書

一覽衆山小 湯任題 八分書

天路非遙 劉廷錫題 正書

擎天捧日 正書

最上一峯 正書

乾坤指掌 正書

泰山圖志 卷五下

右勒字在岱頂爾

天顏咫尺 耿焯題 正書

惟天爲大 正書

巍巍蕩蕩 佛倫題 正書

雄峙天東 王國昌題 正書

右勒字在平頂峯

孔子小天下處 顏繼祖題 正書

果然 楊馥題 正書

勒字乾坤亭後

長伴白雪居 王德華題 正書

我對青松雲作伴 臥龍山樵子題 正書

東觀日本西望河源 楊綵題 正書

右勒字乾坤亭側

天下名山第一 蔡叔遠題 正書

海日奇觀 吳同春題 正書

勒字日觀峰南

以孝經作法律 王口題 正書

哀愚 思道題 正書

右勒字在愛身崖

雙流翼注 鍾惺題 正書

右勒字在望海石

西闕 鍾惺題 正書

右勒字西天門

泰山喬嶽 吳謙題 正書

泰山圖志 卷五下

嵩河一覽華嶽遙瞻 劉若水題 正書

過化亭 因柱題 正書

右勒字吳觀峰

東柱 正書

中天獨立 正書

凌霄峻極 正書

天下第一山 正書

右勒字丈人峰

岱嶽鍾靈 任璣題 正書

松籟雲壑 李元龍題 正書

右勒字在獨足盤

空翠難強名 鍾惺題 正書

勒字在亂石溝

叢翠 吳獻臺題 正書

黃花棧 林古度題 正書

岱嶽奧區 吳同春題 正書

靈山玉柱 蔣陳錫題 正書

雲根靈液 正書

古蓮花洞 正書

雪巘雲凝 武廷适題 正書

作出世想 趙倫題 正書

右勒字後石塢

仙人掌 楊博題 正書

右勒字扇子崖

泰山圖志 卷五下

元圭石 楊撫題 正書

霖源 正書

霖雨蒼生 正書

雲生處 正書

石勒字白龍池

山高水長 陳昌言題 八分書

胡安定先生投書處 潘允端題 正書

千秋道岸 李雨露題 正書

石勒字三賢祠